

Árskýrsla GHH fyrir starfsárið 2024

Síðasti aðalfundur var haldinn 25. Janúar 2024 þá voru kosin í stjórn Halldóra Bergljót Jónsdóttir og Kvistján V Björgvinsson en Kristján Guðnason og Ásgeir Gunnarsson en voru að klára fyrra ár af tveimur.

og undirrituð var kosin formaður.

Einnig var kosið í mótastjórn en þar er formaður Jóna Benný og meðstjórnendur Hjálmar, Heiðar Bragi, Jóhann Kiesel og Halldór Steinar.

Árið byrjaði vel en um miðjan janúar kom golfhermirinn á staðinn og norkkrir félagar og aðrir sjálfbóðaliðar komu honum fyrir því má segja að starfsárið hafi hafist strax í febrúar en þá var byrjað að selja tíma í golfherminn og var hann vel nýttur fram á vorið.

Aðeins var unnið við húsnæðið klúbbsins á árinu en það var að mestu fólgið í að koma hita á salinn sem hýsir herminn og á skápahúsið sem og að klára frágang hér og þar.

Barna og unglingastarf sumarsins var í höndum Halldórs Steinars og Erlu en þau sáu um golfæfingar fyrir börn og þetta árið var gerð tilraun til að hafa þetta meira í formi æfinga yfir sumarið frekar en stutt námskeið eins og verið hafði.

Okkur finnst vel hafa til tekist og vonum að hægt verði að hafa svipað fyrirkomulag í sumar. Einnig var gerð tilraun til að hafa unglingagolf, svona í svipuðum stíl og kvennagolf en þá sá Steinar um að fara með krökkunum hringinn og stundum komu fleiri fullorðnir til að labba með.

Golfhermirinn hefur einning verið nýttur af FAS á opnum dögum og í vali hjá Grunnskólanum.

Við fengum golfkennara á svæðið og í þetta sinnið kom Valdís Þóra Jónsdóttir fyrrum atvinnukylfingur til okkar, hún var með æfingar fyrir börn og unglinga í boði golfklúbbsins og bauð svo upp á tíma fyrir fullorðna. Við vonumst til að sjá Valdísi þóru aftur í vor.

Félagsstarfið var öflugt og mikið fjör í mótahaldi sem formaður mótanefndar mun gera grein fyrir hér á eftir. Mesta stuðið var samt örugglega í Hefðarmeyja mótinu en á það mættu fullt af reyndum og óreyndum golfurum og einnig mættu Djúpvogingar á svæðið. Klúbburinn hélt eitt Íslandsmót sem þótti takast vel en þar sá Gestur Halldórsson um dómgæslu.

Á árinu hélt áfram að fjölga í klúbbum og þegar flestir voru skráðir voru félagsmenn 183 en núna eru skráðir 172

.

Mikil vinna var lögð í golfvöllinn enda var hann í afar góðu standi og hlaut mikið lof gesta og gangandi. Klúbburinn hafði tvo starfsmenn um sumarið en það voru þeir Sigurður Hallsson og Heiðar Bragi Valgeirsson. Það er mikill munur fyrir allt starfið að geta haft fleiri en einn mann á launum við vallarvinnuna og má það þakka auknum styrk frá sveitarfélaginu en það breytir því þó ekki að kalla þarf til sjálfboðaliða til einstakra verka þó það hafi minnkað.

Fljótlega eftir aðalfundinn var skipuð sérstök vallarnefnd en í henni sitja Kristján V Björgvinsson sem ber titilinn vallarstjóri, Kristinn Snjólfsson og reynsluboltinn okkar Gestur Halldórsson. Gísli Páll hefur svo verið okkur öllum til halds og trausts þegar á þarf að halda.

Klúbburinn réðist í kaup á áburðardreifara en hann mun eignast geta nýst til að vökva brautirnar en það kom einmitt upp í sumar að við bjuggum við langa þurrkatíð.

Haldið var áfram við að hækka upp teiga og nú var það karlateigurinn á fyrstu braut. Settar voru kylfu/kúlu þvotta stöðvar á tvo teiga og kassar með fræjum þar sem ætlast er til að iðkendur dreifi fræjum annað slagið á teiginn. Reyndar virturst einhverjir misskilja tilgang þessara frækassa og trúðu rusli í þá.

Þær stöllur Heiða Vilborg og Vigdís María sáu um skálann um sumarið og munu halda því áfram. Þær töfruðu fram girnilegar kökur ásamt öðrum réttum og það var gaman að sjá að fleiri en golfarar nutu þess að koma í golfskálann. Þess má einnig geta að þær voru einstaklega vökular yfir því að fólk borgaði sig á völlinn og sést það í auknum vallargjöldum.

Við urðum var við aukningu á ferðamönnum sem komu og vildu spila völlinn, oft bókaði þetta fólk með löngum fyrirvara og á því má sjá að orðspor vallarins fer víða. En þetta þýðir líka að verkefnum fjölgar og því oft þörf á að fá fólk inn í sjálfboðaliða starf

Ég vil þakka öllum sem lagt hafa til vinnu í þágu klúbbsins kærlega fyrir þeirra framlag sem og fyrirtækjum, stórum sem smáum sem leggja okkur lið með

ýmsu móti s.s. beinna styrkja, verðlauna á mót, vinnuframlaga án þess að rukka fyrir og svo mætti lengi telja. En án þessa væri erfitt að reka svona starfsemi.

.

Stjórnin óskar félögum góðs og gleðilegs golfsumars.

Hornafirði, 20. apríl 2024

Halldóra Katrín Guðmundsdóttir